

經史避名彙考

經史避名彙考卷四

海寧周廣業耕厓

帝王

兩儀既分域中王大名德必期於相配尊親宜極於無  
加是故神文以美祖宗己基廟號勲華以目堯舜實兆  
徽稱至周禮小史詔諱於王事神之道炳矣春秋天王  
特書於簡敬君之義至焉秦漢踵興唐宋尤盛爰稽載  
籍詳叙歷代受圖應運繼體守文諸帝諱蓋惟有臨天  
下之言然後知為皇帝之貴也至若閏位偏方亦多避  
易隨其世次附見篇終

帝王一 周

周

周 帝嚳元妃姜原有邠氏女生子曰后稷姬姓董仲舒春秋繁露姜

源履天之跡而生后稷帝使禹皋論為堯農師封於邠子不

姓知周之德陰德也故以姬為姓 密失官不密孫公劉復脩后稷之業六傳至高圉高圉

下有侯年亞圉下有雲都 祖類亦曰組紺太王始遷由豳豳

皇甫謐曰雲都亞圉字 號周傳王季文王文王王子武王伐紂滅殷都鎬國號周

武王諱發葬畢

令武禮記王制太史典禮執簡記奉諱惡周禮小史若有事

則詔王之忌諱鄭氏尚書金縢史乃冊祝曰惟爾元孫某孔傳史為冊書

祝辭也元孫武王也某名臣諱君故曰某孔穎達正義史

為策書讀以告神也某者武王之名本告神云元孫發

魯世家作元孫王發臣諱君故曰某也泰誓牧誓皆不諱而此獨諱

之孔惟言臣諱君不解諱之意鄭元本字邈諱之者由

成王諱之也當時成王開匱得書王自讀之至此字口改

為某史官錄為此篇因遂成王所讀故諱之泰誓牧誓王

自稱者今入史制為此典故不得諱之廣業案魯世家史

策祝裴駟集解引鄭元曰策周公所作謂簡書也祝者讀

此簡書以告三王告神當稱名此言某故鄭以為由成王

諱之穎達因意揣為成王口讀其作左傳正義亦用此說

今合全篇觀之似未然史乃冊當絕句言史自為冊也下文納匱之冊即此蓋是篇雖錄於成王啟書之後而自既克商至念子一人皆當日與事諸史所記祝辭公所自為所繫尤重公既命勿言文必不欲存故史自言告神之後初冊書之因并叙自以為功及得吉卜始末納之匱中此固史之職也今謂公命史書冊自以納匱謬矣孔謂史所書止祝辭則成王何由得周公自以為功之說乎故知此必史私錄之冊也戴埴鼠璞以公歸二字斷為史所藏祀冊及所占書是也但未知此冊亦史所自書耳

周禮石人凡卜筮其命鄭注謂既卜筮史必書其命龜之事及兆於策繫其禮神之幣而合藏焉書曰王與大夫盡弁開金縢之書

乃得周公所自以為功代武王之說出自臣子迫切至情原非常制公  
自書冊也蓋身代之說出臣子迫切至情原非常制公  
既命諸史及百執勿言豈復自留其祀神原冊史既私錄  
使史得藏之手史記周公藏策之言不足據  
應避君名傳所謂臣諱君者意蓋如成王得是說後即執  
書以泣未必讀冊而口改也顧炎武曰知錄周人以諱事  
則不知諱也金縢之言惟爾元孫某追錄于武王既崩之  
後則諱之矣故禮卒哭乃諱廣業案有道云云出武成非  
牧誓也牧誓今予發顧達已言王自稱矣  
至王肅謂金縢非古書作辨數百言意

案此以某代名之始周王之諱見經典者祇金縢兩某  
字而已餘蓋準是為式汪克寬春秋胡傳纂疏云周人  
諱名昉見於此許衡詩集名物攷引解頤新語云周之  
前無諱書稱元孫某諱之始也漢世尚然至三國時乃

以諱代之詳後

始祖后稷諱棄

羅泌路史高辛紀棄母姜原收之名棄字度辰禮記祭法作弃石經避唐諱也

〔名義〕史記周本紀初欲棄之因名曰棄廣業案生民詩誕寘之隘巷誕寘之平林以棄為寘諱也

案周制天子七廟鄭康成謂太祖后稷及文武二祧與

親廟四也晉孫毓云武王時諸盤

釋文直留反太王父名

為顯考

廟周人以諱事神固不以追王所不及而闕正廟之諱

諸盤即組紺也此與太王王季文王為四親廟至諸盤

以上則皆在祫祭之列

詩天保于公先王箋公先公謂諸盤至不密天作篇箋及周禮

司服注同以尊祖言之則傳所謂文武不先不密余無忘高

圉亞圉皆所致敬以親盡言之則皆不諱公劉去武王  
十二世故詩篤公劉正義以公為號劉為名王基云周  
人以諱事神者<sub>名</sub>公出自姬姓稱揚先祖盛德  
之君而舉其名不亦遠於禮乎其意以為公劉是字也  
然虞夏之時世代尚質名字之別難得而知世本史記  
不必皆沒其名而盡書其字以之為名未必非也然則  
周道之興雖<sub>公</sub>公劉而諱避初不之及即孫毓所云諸  
盤亦禮在則然耳無可考證故概從畧後故此

太王

武王追尊

字亶父

莊子呂氏春秋韓詩外傳白虎通俱作亶  
甫釋文亶都但反父音甫本亦作甫大王

淮南子作泰王

○以下諸王  
諱皆依史記周本紀書之



〔名義〕班固白虎通姓名篇趙岐孟子注俱云亶父名郭璞  
穆天子傳注云是字繇詩毛傳亶父字或殷以名言句質  
也正義云士冠禮為冠者制字曰伯某甫亶亦稱甫故知  
字也以周制言之甫必是字但時當殷代文質不同故又  
為異說或殷以亶甫為名名終當諱而得言之者以其時  
質故也中候稷起注云亶甫以字為號則鄭意定以為字  
不從或說也朱子集傳則云亶父名或曰字與毛鄭異廣  
業案孫不可名祖且末章稱文王此自不當斥古公名疑  
殷道質即名即字耳然不可考矣

王季武王

追尊

諱歷葵渦山之尾

見戰國策又史記集解  
皇甫謚曰在郭縣南山

名義趙竇君吳越春秋云古公知昌聖欲傳國以及昌曰  
興王業者其在昌乎因更名曰季歷似季歷為二名史記  
吳世家太伯避歷漢書外戚傳太伯避歷知適師古注歷  
謂王季白虎通王季名歷王充論衡趙奇篇太王以王季  
可立故易名為歷歷者適也太伯覺悟之吳越採藥以避  
之使太王不易太子名而復字之曰季太伯豈覺悟而避  
之哉褚先生補史記曰太王命季歷明天瑞也據此則初  
名季後更名歷遂字為季也古人先字後名故曰季歷時  
未有謚以字繫爵稱公季後遂稱王季云

人事書禮記祭法文王之祭也忌日必哀稱諱如見親正

義言文在廟中上不諱下於祖廟稱親之諱如以見親也

文王

武王追尊

諱昌堊畢

皇覽曰在京兆長安鎬聚東社中武王冢亦在焉

名義左傳正義曰周本紀稱太王見季歷生昌有聖瑞乃曰我世當有興者其在昌乎是太王見其有瑞度其當興故名之曰昌欲其昌盛周也服虔曰太王度德命文王曰昌命武王曰發

人事

書

諱辨曰周公作詩不諱蓋指難與噫嘻也

彭大翼山堂肆

考周以諱事神而二詩不為文武諱但不敢指曰文王昌武王發若通用二字則不諱

案難篇克昌

厥后正義云祭文王於禮當諱而經云克昌厥後者以此詩自是四海之大歌頌之聲本非廟中之事故其辭不為

廟諱及採得之後即為經典詩書不諱故無嫌耳蒸民云

四方爰發亦此類也集傳引蘇氏曰周人所謂諱不以其

名號之耳

朱公遷疏義以名號之謂夏商之君不諱名如啓與太甲之類也

非遂廢其文

也廣業案不以名號固然但新制以諱事神而歌詩以祭

故斥其名亦恐非宜陸德明釋文曰昌如字或云文王名

昌此禘文王之詩也周人以諱事神不應犯諱當音處亮

反

魏校六書精蘊昌尺良切字意象日月之合通用為盛美之辭書云禹拜昌言昌有開始之義轉為尺亮切詩

曰克昌

蓋古人數陳祖德必據實事生民公劉諸詩盡然

文王生有聖瑞名在河圖

孔穎達曰克受河圖已有昌名在籙而太王復度

德制名尤頌所不得而畧故周公大武但言允文文王克

開殿後而成王禘太祖蔡邕獨斷一章十六句禘太祖之所歌也此太祖謂文王必

曰燕及皇天克昌厥后以彰先瑞也然其後徹俎歌之客

出亦歌之祖諱豈容徑犯則其讀自以釋文或說為長張

駿又張公正字通謂陳第毛詩考無唱音又謂後世諱法文同

則改文音同則改音使果諱其聲何不并其字諱之益信

舊注為贅蓋未徹此義也逸周書多昌字如本典解周公

又太公六韜明傳篇告文王曰義勝欲則昌奇兵篇對武

王曰得之者昌武韜又有發啓篇虎韜對武王曰發我銳

士此類鼎寶參

半未足深究

物類贅寧荀譜張揖言爾雅周公作釋詁以訓成王今云

皆周公作如言昌歌豈可新制禮以諱事鬼神自犯父名

而能訓子姓乎陸羽說茶引釋草而列周公非廣業案昌歆始見左傳僖三十年用以饗周公閱注云昌蒲道正義以為通檢書傳昌蒲無此別名爾雅安得有之時已世遠無嫌非若周禮昌本之正犯父名也

追尊始此

史周紀有西伯稱王之說歐陽文忠奏嘗論深周王發必非史臣追書之辭今按詩大明章前後皆稱王

獨會于牧野維予侯興以對紂言名武王為侯古人于君

臣之分詳慎如此字有未克商以前稱王者乎追王見於

中庸大傳其說不同蓋三王之王時有後先文王受命之

君太白既懸即稱尊號至丁未告廟始并太王王季之中

庸推論上祀因連言之耳然太王雖王繼詩尚曰古公太

王以上未嘗追王而周語稱我先王不密又曰十五王

而文始平之此則尊祖敬宗禮因義起不可臆說者矣

案此立謚諱名之始胡宏帝王大紀云諱名立謚始於

武王丁未告廟廣業案逸周書謚法解維周公旦太公

望開嗣王業建功于牧之野終將葬乃制謚穀梁傳注  
曰武王崩周公制謚法大行受大名小行受小名所以  
勸善而懲惡羅泌路史曰秦秀謂周公弔二季之陵遲  
哀大道之不行于是作謚以紀其終然則謚非武所立  
也太誓之稱文考禮記坊猶虞書之文祖乃當時有此  
美稱其後遂用為謚耳

成王諱誦

司馬貞史記索隱本或作庸非

禮經會元成王名誦周禮大司樂曰興道諷誦言語擇人  
曰誦王志瞽矇曰諷誦詩甚至官名謂之誦訓周公何不  
為君諱乎廣業案誦訓一官最可怪司徒司空尚廢其職

康王諱釗

周公手自制禮乃反以王名命官有是理乎即此可斷周禮非周公所作不意竟用是為不諱證也餘詳總序敘詳

〔名義〕諱辨曰康王釗之孫實為昭王胡傳纂疏據此及書君牙昭乃辟為不避嫌名廣業紫君牙後出之書不足論顧命釋文釗姜遼反又音招徐邈讀之有反漢書古今人表顏師古注之遙工遼二反史記索隱克堯反又音昭宋祁等集韻釗莊交切音驪周康王名邱光廷兼明書云當音臬諸儒讀為昭非也此諧聲字金遼着斗音反今從刀者訛且昭王是康王之子豈有子謚父諱而音同乎禮不



諱嫌名特言語之間詩書之內有音同字異者不為之諱  
豈父諱子謚可用嫌名乎是周人本讀臬今人讀之誤也  
諸音未知孰是然其非昭之嫌審矣至以昭王為康王孫  
亦誤述異記載廬山康王谷巔有一城號釗城傳是周  
康王城案周初民雖尚質然以王名城亦所不可任氏以  
山號康王城又稱釗言將有徵恐未然也

案王名見周書者二武王康王也顧命以父名子宜也  
康王之誥亦稱名者未沒喪也

昭王諱瑕

竹書作假

南狩卒於江上

左傳昭王南征不復說者謂溺於漢沔而今河南登封縣

有墓豈招魂墓與

穆王諱滿

史秦本紀作繆王徐廣曰古字繆與穆通

都南鄭

穆天子傳河宗口命於皇天子河伯號之帝曰穆滿女當永致用時事郭注以名應謙也言謚蓋後記事者之辭南軒訂正前編曰周制死而謚傳稱穆滿則其他謬附可知廣業案天子稱諱如姬滿劉徹之類皆出後世劉知幾所謂近代文章寔同兒戲者也殊非致敬之道傳正義引應劭諱議云昔者周穆王名滿晉厲公名州滿又有王孫滿是君臣同名成十廣業案州滿左傳作州蒲蓋蒲滿字形似易混故左傳定五年秦大夫子蒲劉向新序補士篇作滿子史記春申君上秦昭王書取蒲衍新序善謀篇作滿衍

史秦紀惠王時有到滿張守節正義云或作蒲則晉厲公之名未定為滿也且魏志引風俗通但云周穆王名滿至定王時有王孫滿馬總意林所載亦無晉厲公殆亦疑而去之若王孫滿則左傳國語無異文是與穆王同名無疑鄭樵通志氏族略王孫氏周大夫王孫滿後滿頃王孫也於穆王為十五世孫協之可也又王史氏案漢書藝文志云六國時人引英賢傳周共王生圉圉曾孫滿生簡此滿乃穆王六世孫豈可協乎此必通志之訛至竇苹酒譜載周穆王時有杯名常滿以王名器尤無是事也

共王諱緊扈

國語共作恭史世表漢書古今人表韋昭國語解俱作伊按穆天子傳云獻喪主伊扈亦作

竹書名繁  
無危字

懿王諱囂竹書史世表漢書人表作堅徙都太邱即槐里亦名廢邱

孝王諱辟方漢書師古注辟音璧世本無辟字

夷王諱褒漢書人表作摺師古音褒

厲王諱胡詩韓奕汾王鄭箋厲王也流於彘共伯和行天子事號曰共和

史記周名二相行政號共和李吉甫析政號共和鄭康成志度在晉州亦已縣

國語召公告厲王曰胡可壅也為良夫曰胡可專也詩桑

柔傳以為為伯刺厲王而曰胡斯畏忌是生不諱名也若

雲漢為美宣王詩而胡寧瘖我以旱胡寧忍予直觸其父

名何也說見總序諱

宣王諱靜竹書魯連子呂氏春秋漢表作靖

幽王諱宮涅史記漢表作宮涅竹書單名涅詩正義作宮皇蘇轍古史作宮涅宋庠國語補音云今官本史

記作宮涅檢字書無此字又作宮涅梁上舍為犬戎所弑

王統括徐廣曰一作生與涅通當從古史

詩白華篇傳謂周人刺幽后而曰鼓鐘于宮是二名不偏

諱也

平王名宜臼國語晉伐驪戎篇鄭康成白華詩箋皆作宜咎遷都洛邑是為東周在

開封府大澤縣時有携王余臣不錄

〔令式〕春秋隱公三年三月庚戌天王崩穀梁傳其不名何

也太上故不名也范甯注平王也左傳正義不書名者海

桓王諱林墓洛

春秋莊元年陳侯林卒高閔集注陳莊公與桓王同時王

內之主至尊之極故敬而不敢名也胡宗春秋通旨天王崩不名諸侯薨而名

別于天子也諸侯不生名大夫生而名別於諸侯也微者名氏不登于簡別于大夫也日知錄尚書稱王此稱天王

者別于吳楚僭越諸國明無二尊也廣業案人臣稱君曰上始崩未有廟謚

故加太以別於嗣王古臨文不諱人君祀天地宗廟皆名

死則不名故曰太上故不名也言太者義與太祖太廟同

當皆奉祀解天上為居人之大石氏之上釋文云大如字起非黃淳耀評史記楚世家云晉靖侯名宜臼周平王亦名宜

臼是君臣同名也集陶菴廣業案竹書靖侯在平王之前君

自不避臣諱非犯也

名林而公亦名林是君臣同名也廣業案桓十二年陳厲公卒莊公立時桓王在位已二十四年矣陳備三恪不容不知而竟有此天子微諸侯僭由來漸矣通志周世譜王子林平王子桓王林平王孫又氏族畧林氏姬姓周平王庶子林開之後因以為氏開生林英林英生林茂林慶譜家謂王子比干為紂所戮其子堅逃長林之山遂為氏非也然桓王之孫又有林茂林英者王子克之父也恐有差訛不應一族而同名氏者兩人廣業案據世譜則叔姪同名然平王二子曰洩父曰王子狐無名林者即如氏族所稱庶子而林英等犯父祖諱又犯君諱王子克之子又犯曾

祖諱豈止一族同名已也林寶元和姓纂謂林氏比平後  
自叙姓所由出當必不誤何反非之樵志譜族外謬大率  
類此也

莊王諱佗

漢表作嚴王避明帝諱章昭國語解佗作它釋道

本行等經並作莊王他古他佗字通用

釐王諱胡齊

左傳作僖王

意林載風俗通曰厲王名胡莊王之子亦名胡趙與音賓  
退錄云僖王為厲王七世孫而名胡齊殊可怪周人以諱  
事神而猶有此何歟

惠王諱閔

世本漢表國語解俱名母涼



襄王諱鄭

癸辛雜識邦國有不諱者如襄王名鄭而鄭不改封至出  
居其國使者告於秦晉曰鄙在鄭地受晉文公朝而鄭伯  
傳是也又曰有君臣同名者襄王名鄭衛成公與之同時  
亦名鄭廣業案左傳申繻曰以國則廢名杜預解國不可  
易故廢名顧炎武左傳杜解補正非之改為荆此六國時事不足據正義  
云國名受之天子不可輒易若以國為名終卒之後則廢  
名不諱故釐襄之名皆不避也

頃王諱壬臣

史年表作頃王臣古史因之漢表

匡王諱班

章昭洞記作樊

定王諱瑜

漢表作榆韋昭國語解作榆宋庠補音曰本或作俞或作榆

簡王諱夷

靈王諱泄

心晉語作大心韋昭周語解同案左傳宋有樂大

世字闕筆使然

西周山上今河南洛陽縣景悼定城西南相

景王諱賢

紀同貴皇覽墓在洛陽太倉中諸帝王世

國語景王問律於伶州鳩對曰故先王貴之是不諱貴

悼王諱猛為弟子朝所弑

音太平御覽引皇覽作弑

春秋昭二十二年四月乙丑天王崩六月劉子單子以王

猛居於皇十月王子猛卒公羊傳其稱王猛何當國也胡

氏傳猛未踰年何以稱王示當立也既當立矣何以稱名

明嗣君也此與哀思二王史年表竹書皆不載蓋以猛未即位哀思立未踰年也然次皆當立周人為之

立謚則與奸命之攝王余臣尹氏所立之西王王子朝異矣且皇甫謐及李善引呂不韋語皆曰周三十七王又安得而畧乎廣宏明集引陽珣史目陶隱居年

紀云悼王立一百一日為庶弟子朝所害

敬王諱丐左傳解作句古史及徙都成周

元王諱仁漢表作赤

定王當作貞諱介集解引皇甫謐曰名應漢表作貞定

案左傳哀十九年敬王崩林堯叟注案左氏敬王崩在此年世族譜云敬王四十二年崩在哀十七年史記周本紀及十年春秋之

傳終矣則敬王崩當在哀十七年史記周本紀及十二年諸侯表敬王四十二年崩子元王仁立則敬王是哀十八年

崩也六國年表起自元王及本紀皆云元王八年崩子定王介立是魯哀公之二十七年與杜預世族譜為異又世

本云魯哀公二十年是定王介崩子元王亦立衆說不同未詳其正也又案史周本紀元王仁注徐廣曰世本云貞

王介也元王崩子定王介立注徐廣曰史本云元王赤也  
索隱曰元王赤皇甫謚云貞定王據二文是元王有兩名一  
名仁一名赤如史記則元王為定王父定王即貞王也依  
世本則元王是貞王子必有一誤然此定當為貞字誤耳  
宣周有兩定王代數又非遠乎皇甫謐彌縫其錯謬謂為  
貞定王未為得也今考漢書人表竹書紀年並作貞定王  
又皆列于元王後與史記合當為貞貞王名為介敬王子也  
及定王王室遂卑章昭注定當為貞貞王名介敬王子也  
此仍世  
本之誤

哀王諱去疾為弟叔襲所弑

思王諱叔襲為弟嵬所弑

考王諱嵬

漢表作考哲王馬端臨文獻通考考王少隗案  
史目年紀並云敬王弟哀王治三月思王外哀王

弟治五月思王殺之哀王孝王復殺思王三王  
共立一年据之思王實名外而考王乃孝王也

威烈王諱午

漢表不名酈道元水經注  
云墓在洛陽城內東北隅

安王諱驕漢表作元

烈王諱喜漢表作王

顯王諱扁漢表作顯聖王師古曰扁

慎靚王諱定史記正義邊典反

赧王諱延竹書作隱王史記索隱皇甫謐曰名誼廣業案赧

錯繫傳赧王入秦為家人無謹謂其慙故謂之赧尾館切又

王即延王也故徙都西周後納地於秦

附

西周桓公名揭

東周惠公名班索隱引世本又趙世家正義作子班韓非子內儲說名根

案史周本紀王報時東西周分治索隱曰西周河南王城南也東周鞏也初歲王因子朝之亂徙都成周而河南王城之都  
齊至考王封其弟揭于王城以續周公之官職是為桓公  
桓公生威公威公生惠公烈王元年惠公別封少子班于  
鞏以奉王業父號為東周惠公班之兄仍居王城為西周  
武公呂覽所謂威公薨周乃分而為二一是也顯王二年趙  
魏遂分周地為二使二周公治之王僅空名而已此周分  
東西之始也報王衰弱遷西周依武公武公卒文公咎為  
秦莊襄王所滅東周惠公傳子傑又數傳亦見滅于秦史  
不詳其世次諸系姑附于此班蓋堅曰周亡天下無主  
三十餘年故朱子綱目周報大王卒後起丙午盡已卯雖以  
秦繫年但同列國分注而不大書明非一統也與通鑑直  
接秦紀者異矣

案周之諱禮奉之太史詔之內史可謂詳且慎矣觀侯  
國司空司徒之廢則天子可知乃自金縢以下可考據  
者絕少蓋元公定制專在事神生存不避世遠則祧既

不奪之名亦非禁用其字特其時道隆化洽禮達分定  
朝野服從世嫡尚無敢同至尊豈或誤犯東遷迹息王  
室既卑故春秋桓王諱林而有陳侯林莊王諱佗而有  
陳佗襄王諱鄭而有衛侯鄭匡王諱班而有曹伯班簡  
王諱夷而有晉侯夷吾敬王諱匄而有晉士匄昔周禮  
之末失也尼山筆削悉仍其舊禁偏之意深矣味儒矯  
枉反援是詆左氏之誣並詳非通論也至文字之間原  
無避忌通典王肅議云文王名昌武王名發成王時頌  
曰克昌厥後駿發爾私箕子爲武王陳洪範曰使羞其  
行而邦其昌厲王名胡其子宣王時詩曰胡不相畏其

孫幽王時詩曰胡爲虺場此則詩書不諱明驗也癸未韓雜志云  
大誥勿棄基不諱后稷棄字胡傳纂疏云臨文不諱周書稱  
今予發一人釗大誥稱大厯服洪範稱邦其昌罔命稱  
發號施令嫌名不諱詩言黃髮兒齒二名不偏諱平王  
名宜臼春秋有楚宜申宋杵臼僖王名胡齊而有胡子  
齊侯頃王名壬臣而有楚壬夫宋王臣靈王名泄心而  
有泄冶樂大心此皆禮律明文無所置疑者也所異者  
孝王用公非之字高固父非字辟方僖王同遠祖之名王孫滿  
僭擬先王鄭傳瑕上同古后簡慎皆以祖謚釐襄俱以  
國名後人揣測殊有未安豈先進遺風未離忠質歟抑



王道微缺自昭王時已然也

嘉慶二年丁巳閏六月朔日校 是考記纂輯三十年許癸丑以後手目  
編次爲四十五卷去年始抄齊清本復詳加校改誰人謄之前月  
杪先校七八二卷即校此及第四卷蓋其稿皆已五六易矣尚有未  
安又改定命兒子勲常補綴重寫忘揮汗之痕也 耕厓

經史避名彙考卷五

海寧周廣業耕厓

帝王二 秦 楚 附陳

秦

秦

伯翳之後

伯一云益

嬴姓周孝王封非子於秦

初非子以造父封趙城蒙

其姓為趙氏至是使復續嬴氏號曰嬴秦

春秋時穆公霸西戎至惠王僭稱王傳

武昭孝莊襄四王莊襄子始皇滅二周并六國稱皇帝都咸

陽國號秦

始皇帝諱正亦作政又曰子政

韋傳

自謂真人塋酈

一作山

在東北紀漢書

名義史記始皇本紀昭王四十八年生於邯鄲名為政集

名義史記

解徐廣曰一作正宋忠曰以正月旦生故名正索隱云世

本作政又生於趙故曰趙政蘇轍古史同廣業案諸說名

正為是史因諱加文許慎說文作反後遂并政諱之始皇母邯鄲美人故呂不

韋姬也漢書五行志因以為不韋子班固贊言呂政殘虐但史記固云莊襄子又大期而生則自匿有身之說或亦

惡歸下流耳揚雄法言稱嬴政

令武史記索隱秦諱正謂之端張守節史記正義正月音

政後以諱音征後諱廣業案端正同訓故以相代但周制卒

哭乃諱秦雖違古未必生存之日已詔改其字曰端惟臣

下謹避或易音或變體隨宜更換故端月直至月表始見

至漢則生避諱矣馬史諱徹為通班書諱莊為嚴是也

人事氏漢書京房傳秦有正先者非刺趙高而死孟康注

姓正名先秦博士廣業案始皇時有燕人正伯僑為形解

術見史封禪而司馬相如大人賦曰廁征伯僑而役美門

書漢郊祀志師古注姓征名伯僑文選李

郊祀志作正其音同楊雄甘泉賦方征僑與倭善注姓

征名皆作征知正先亦為征也又廣韻引姓苑有政姓通

志氏族畧政氏宋正考父之後魏有正帛然則正姓始因

諱加人或文至漢有還本姓者帛與正錦正昂等其後裔

而征政二氏不甚著音野客叢書云秦紀琅玕石刻端平法

度端直敦忠又侯生盧生相與謀曰良士畏忌諱諛不敢

端言其過皆避正為端廣業案碑石皆二世時所刻故改

為端國語晉悼公知程鄭端而不淫又訾祐直而博直能

端辨之又端法度靖端諸侯

此篇楚荀子士明于三怨則

可以端身矣

法行篇上文

韓非子有度篇立司南以端

朝夕靈樞經五色篇其色有邪聚散而不端此皆秦博士

所改也賈誼新書等齊篇諸侯王或不廉潔平端劉向新

序刺奢篇魏文侯見箕季其墻枉而不端此漢人沿秦諱

也吾邱衍閒居錄云山海經非禹書中言鯀及啓事又

多祭祀鬼神之說凡政字皆避去秦方士所集無疑

說本

廣業案秦書最著者無如呂氏春秋其成在始皇八年

見

春紀序意篇或泥史

謂在遷蜀後者誤故多避楚字未避政字間有之如先

識周威公去苛令三十九物察微篇引左傳羊斟曰昨日之事子為制今日之事我為制其十二月紀有月令鄭康成以為紀十二月所行政也蔡邕獨斷天子命令之別名一日命二日令三日政注著之竹帛名曰政漢書成帝詔所奏請多違時政楊李奇注時政月令也則以政為令亦諱矣苛政亦曰苛法史高紀父老若秦苛法本紀政教為法教政令為法令

音公羊傳王周正月釋文正音征或如字今多讀征同諸

字書並然戴侗六書故正月讀平聲說者謂避始皇名不然詩

不出正與名清成甥協正自有平聲也黃公紹韻會引增

韻云正本去聲始皇名政讀正如征禮記昔吾有先正明

且清前書叙傳奕世宗正並叶音征廣業案正字本有征  
音不必皆叶若陳第毛詩古音考謂古悉音征無去聲者  
則又不可通許慎說文正從止方正邪正偏正之類豈皆  
平聲乎但正政征三字古多通借雜出秦諱甚難區別今  
約舉之小雅今茲之正呂氏春秋仲夏紀班馬正戴記月  
令作政史陳涉世家秦失其政漢書陸賈傳作正師古曰  
正亦政  
也史游急就章碑本路正楊皇象顏本作路政揚顏師古  
注本  
此正政通用也正讀征者老子侯王得一以為天下正與  
清寧為韻世說及孫盛老子疑問明僧紹二表  
離騷耿吾  
齡邢壽易畧例注引此正俱作貞  
既得此中正九歌獨宜兮為民正九章指蒼天以為正與

征星情為韻此在秦前皆本音也劉向九歎撫招搖以質  
正信上皇而質正亦與聽均神為韻非避諱也有借為征  
賦用者禮燕義司馬勿正周禮夏官諸子以軍法治之弗  
正管子關市幾而不正小澤魚之正輕亦有借政為征賦  
者周禮天官小宰聽政後以比居鄭注政謂賦也其字或  
作政或作正或作征以多言之宜從征如孟子交征利云  
而宋楊伯禹九經補韻欲以小司徒施其職而平其政政  
字補十四清征字下又均人掌均地政王制五十不從力  
政一子不從政有借政為征伐者馬融書小序成王政傳  
本政作征見朱彞尊經義考他若諸侯力政賈誼過秦論韓詩外



傳史序傳漢藝文志皆有此語孔叢子遂訛作力爭凡此  
皆沿秦音即以正政為征雖義異而字不嫌同也惟孟子  
征賦征伐及交征字絕無相混易經亦然斯其為先秦古  
文歟 淳化閣帖有秦程邈隸書老子天得一以清三句  
未有正字又李斯篆書數行中有為政朞月語黃長睿法  
帖刊誤皆以為偽為政云云乃李陽冰篆王密所撰明州刺  
史河東裴公紀德碣中字也米云未知何人蓋未見此碑  
耳廣業案諸石刻皆李斯書今載本紀中無及政字者厲  
筆奚疑若酈道元水經注載李斯書銅人銘云正法律同  
度量在始皇二十六年却未避正字

王制史以獄成告於正注云漢有正平丞秦所置廣業  
案秦官無考正義據漢百官表廷尉秦官掌刑辟有正左右監  
宣帝置左右平鄭見古有正兼言平耳然則平非秦置即正亦可疑矣月  
令樂正宗正本周制前書宗正既讀征而月令明言命理決獄訟必端平則東以正若官也

天文令時改正月為端月史秦漢之際月表二世二三兩年

皆有端月

宗懷荆楚歲時紀正月春秋謂之端月誤

始皇紀正月止兩見一即

始皇所生月

見前

一在十三年

東

星見

此時當讀征其後頌

歷發詔必自有避就之法呂氏孟春紀亦曰正月紀而其  
文固云孟春之月伏生尚書大傳曰夏以孟春月為正殷  
以季冬月為正周以仲冬月為正夏以十三月為正色尚

黑以平旦為朔殷以十二月為正色尚白以鷄鳴為朔周

以十一月為正色尚赤以夜半為朔見白虎通宋書律志初學記等書夫

此數月者在夏殷周皆為正月惟就夏正言之則殷之正

月為季冬為十二月周之正月為仲冬為十一月今以孟

春為十三月何也蓋勝為秦博士至孝文時必据歲首十

月順推之則繼十二月者當為十三月然亦因避正字權

設此名否則二月將為十四月三月將為十五月無是理

也羅泌路史謂十三承伏傳既然而後漢書陳寵傳引時

令亦云十三月陽氣已至云云章懷注時令月令也十三月

今正月也由此推之則秦歷當作十三月詔令或作孟春

月之罌石刻辭曰維二十九年時在中春亦其例也白虎通三

正篇胡文煥刊本目錄作三政疑舊音作政也後人改史爲遺之耳韓鄂歲華紀麗云秦諱

改正月從平聲魏泰東軒筆錄云至今呼為征月田藝衡

留青日札云小雅正月本音政履端舉正之義也自秦諱

音征詩人多不能改如嚴維海上新正逢故人皇甫冉客

建勳更堪正月過孟浩然新正柏酒傳杜審言欲向正元

王十朋答賀正啓賦椒花之頌獻雖後于元正占茅茹之

文亨必同于他日獨晉玉佩正會賦伊正月之元吉分應

三統之中靈高常侍十月朝宴詩歲時金燠諸史會編云

無道之君名何足諱千餘年承謫不改今當讀去聲廣業

案此係音讀相沿如尚書之為常書乃傳習漢學非實為

秦諱也且漢襲秦制字音其小耳最謬如不改正一事亦  
閏百二年至太初始能革也秦避正字歲首不用正月本  
紀二十六年制曰方今水德之始改年始朝賀皆自十月  
朔年始者一年之始通鑑載此文刪始字胡三省注云改  
丑月為歲首周以建子月為歲首今秦以建亥月為歲首  
是改年也自此紀年皆以十月為歲首廣業案諸史書改  
年皆謂改易年號吳志孫權改年是也與改  
正不同溫公誤刪史文注則全棄三正之義如夏正建寅  
則寅月是正月為一年之始殷周亦然所謂三正也帝王  
革命必改正朔正朔已見前又秦用顓頊厯月建亥避帝  
名但改用十月朔為年始而不曰正月有朔無正趙汭熊  
朋來周正考云殷周以所改之月為正月故史記於殷曰

改正朔於周曰制正朔秦即以十月為歲首而別用夏時

數月故曰改年始是也厚見唐順之釋編陳所謂夏時數月

者春夏秋冬一同夏正鄭樵正朔論商周雖以子丑命月

皆不自用轉制秦漢建亥亦然廣業案此即賈誼所言秦

雖戰國而王天下其道不易其政不改者也魏明帝改用

地統有司陳奏正如此晉志譏秦漢中故史家紀年首冬

十月次春正月終秋九月有閏則置後九月始皇紀及漢

武元封以前並然漢書或謂秦紀昭襄四十二四十八等

年已有先書十月次書正月者呂氏季秋紀亦言為來歲

受朔日疑秦用之已久此呂祖謙大事紀王應麟玉海並有

十月為正故於是月受明年歷日由此言之月令為秦制

也據此是始皇未改年始之日也自以十月為正所謂合

百縣者就所屬言之或又謂定制後史官所追改皆未可知要之秦

法也漢氏於正無避端月既改還正月而歲首則仍用十月

月月表二世之二年三月年俱起十月中越端月以至九月

子嬰為王之明年起十月至十二月子嬰死此十月即漢入

關之月也下接義帝元年時十八諸侯皆不詳受封之月

間有書一月者應幼惟於漢書正月分關中為漢此正月

曰非元正故云一月即漢所改秦之端月也自此至九月為漢元年其下書十

月此上表脫王至陝是月項又自十一月至九月為漢二

年此上表脫王至陝是月項又自十一月至九月為漢二

年下訖五年並同自後高帝即阼歷惠文景及武初年皆

用十月有朔無正叔孫通傳云通定朝儀會十月漢七年

長樂宮成諸侯羣臣皆會十月是也改厯之後此禮猶存  
故續漢書禮儀志云每朔惟十月旦從故事者高祖定秦  
之月元年歲首也而荆楚歲時紀并言月朔日俗謂之秦  
歲首豈知其始寔由于避諱哉 文穎漢書注云秦以十  
月為正月顏師古注高紀春正月云凡此月號皆太初正  
厯後記事者追改之非當時本稱以十月為歲首即以十月  
為正月今此真正月當時謂之四月元吳淵穎近願索隱  
已辨之通傳注前明唐順之余有丁曆斥其謬妄竊謂此  
固讀之疎亦由未知避諱之義耳今就史考之封禪書始  
皇既帝以冬十月為年首又曰秦以冬十月為歲首故常



上事  
諸律歷

正十

正十月上黑事其言非是張蒼傳蒼緒正律歷以

高祖十月始至霸上因故秦時本歷謂秦以十月為歲首弗

革綜覈諸文孰是以十月為正月者哉不以十月為正月

在秦為避諱在漢則為襲誤故史獨於改歷眼眼焉武紀

先言公孫臣草改歷事繼言趙綰等草改歷事最後大書

元封七年夏漢改歷漢書作以正月為歲首為太初元年

禮書今上即位十餘年乃定制度詔以太初之元改正朔

易服色以為典常垂之於後封禪書夏漢改歷以正月為歲首其未改之前則謂文帝怠於改正朔之事孝武之元措紳皆皆望其改正度文紀贊又謂廩廩向改正服封禪矣謙讓未成於今賈生傳漢興至孝文二十餘年天下和洽固當改正朔易服色悉更秦之法文帝初即位謙讓未遑又於張蒼傳言天下初定將相公卿皆武吏褚先生補律書亦云高帝方綱紀大基高后女主皆未遑故襲秦正朔文帝時公孫臣新垣平皆以為言廢不復問漢書律歷志云秦以十月為正漢興庶事草創襲秦正朔朔晦月見弦望滿虧多是至武帝元封七年漢興百二歲矣大中大

夫公孫卿壺遂太史令司馬遷等言歷紀廢壞宜改正朔  
上迺詔議造漢太初歷續漢書律歷志漢祖受命因秦之  
紀十月為年漢書律歷志云首閏常在歲後不稽先代違於帝典非以漢  
不改正為襲秦法之最不經者故耶今乃謂十月即正月而  
史皆追書則是改史而非改歷改正矣可乎且如文紀二  
年詔曰今十一月晦日有食之信追書之則十一月當時  
謂之二月先帝之詔亦可改乎荆川裨編曰如以十月為  
正月則十一月為二月十二月為三月矣而始皇二十九  
年之罽刻石曰時在中春陽和方起寒沍之月而陽和已  
起者是秦之二月不為十一月也三十一年十二月更名

臚曰嘉平是秦之三月不為十二月也漢仍秦正太初始  
改從夏若以漢人作漢紀而追改之何故并秦紀改之乎  
是秦漢不改月審矣

物類

補

毛詩

古音考正鵠讀征廣業案此荷嗟詩非由秦

諱也月令季冬征鳥厲疾注征鳥題肩也齊人謂之擊征  
又儀禮大射禮注正鵠皆鳥之捷黠者正亦鳥名齊魯之  
間名題肩為正二注皆出鄭氏合觀之征鳥即正鳥秦儒  
避諱加立人耳擊征之名鄭蓋順本文言之逸周書時訓  
解作鷩鳥

案此避諱改字變音及加減偏旁之始漢因之立諱訓

皇帝稱號始此 孫盛曰德合神者曰皇德合天者曰  
帝陸贄曰德合于天曰皇德合于地曰帝二說不同其  
為美稱一也祖龍自以德兼三皇功過五帝立名稱皇  
帝後世因之至帝之名則東帝西帝秦昭王已嘗稱之  
追尊稱帝則黃歇上秦昭王書所云先帝文王武王是  
也

太上皇

始皇追尊

莊襄王諱楚本名子異人改名子楚葬陽陵

水經注云陽陵在咸陽東南

《名義》索隱曰國策本名子異後為華陽夫人嗣夫人楚人  
因改子楚廣業案國策作子異人呂不韋使楚服而見王  
后說其狀高其智曰吾楚人也而自子之乃變其名曰楚

今武徐廣曰秦諱楚謂之荆索隱曰楚稱荆者避莊襄王諱廣業案荆為楚之舊號故以荆代楚

人事書秦自文公十三年初有史以紀之至始皇詔非秦

紀輒燒今所傳古書除魯壁魏冢外皆出秦人手也呂氏

春秋周昭王親將征荆高誘注荆楚也秦襄王諱楚避之

曰荆季夏紀又吳伐郢得荆平王夫人先藏荆莊王好隱荆

柱國莊佗荆將軍子囊審應覽此秦書固宜諱矣戰國楚策

張儀說秦王昭曰連荆固齊韓語亦見鮑彪注荆楚也始皇

諱其父名故稱曰荆知此書始皇時人作然他策又不盡

詳而此篇通作荆秦策或為六國說秦王篇作郢王郢即

楚也亦避諱又宋策多荆字國語晉鄢陵之役以下三篇

楚皆作荆

吳語吳王謂申胥曰立名于荆

商子勝荆人於城濮賈越絕書

首荆平王內傳又曰荆邦檀弓襄公朝於荆夫子將之荆

凡此皆秦人所追改也韓詩外傳荆伐陳劉向說苑晉荆

戰於邲

尊賢

晉文公夢與荆王搏

權

新序田贊衣儒衣而見

荆王又荆人卞和辯東方朔七諫偃王行其仁義兮荆平

寤而徐亡劉歆烈女頌伯宗遇禍州犁奔荆此漢儒沿秦

諱也通鑑秦紀王問李信曰吾欲取荆注云史公取秦紀

為史記通鑑因史成書故亦曰荆

(地理秦之滅楚也始皇紀皆變稱荆如使王翦擊荆虜荆

王荆將項燕立昌平君為荆王王翦蒙武攻荆破荆軍翦

遂定荆江南地

王翦傳翦子貴擊荆荆兵敗

諸所謂荆實皆楚也其後

滅去楚名以其地為秦郡

楚世家秦滅楚名為楚郡注孫

此作楚郡非也羅革路文注曰名楚為秦意亦以莊襄王

母名改為廣業案孫說楚是也羅謂王母名誤秦郡者秦以

其地置郡也王守漢本作三郡乃秦字傳為脫半耳二世元年陳勝反故荆地為張

楚勝為楚王漢初封韓信為楚王猶稱荆王臣信賈逵以

為秦改諱荆遂行于世是也

漢書高紀注韓王既廢國分為二

元王交王楚劉賈封吳稱荆王

荆燕世家高紀劉賈注索隱引虞喜謂賈封吳地

而號荆王取荆山名非時號吳亦曰荆蠻者吳先為越所滅楚滅越

秦又滅楚因通謂吳越之地曰荆蠻也

周紀正義北人書故加曰蠻廣業案



左傳王子朝奔楚告諸侯曰甯在楚亦云荆吳漢地  
謂楚為荆蠻吳越并於楚亦稱荆蠻非文加也  
荆國更名吳論曰東帶江湖薄高帝粉榆社置荆巫封禪  
會稽為荆吳文頤注即今吳也  
頤注屬荆詩漸漸之石序荆舒不至毛傳荆謂楚也正  
故有荆巫義謂楚居荆州故或以州言之春秋經賈氏訓詁云秦始  
皇父諱楚改為荆亦以其居荆州故因諱而改之亦有本  
自作荆者非為諱也廣業案公羊穀梁皆言州不如國賊  
楚故以州言然殷武荆楚連稱乃與荆舒同创意楚并羣  
舒之後荆專屬楚乎春秋自僖元年改書楚已不復稱荆  
襄公於二十八年朝楚歸作楚宮經傳明文而檀弓及說  
苑正諫篇俱作朝荆必是秦諱禮注謂以州言非也太

平御覽序常州引周處風土記曰陽羨本名荆溪又引輿地志曰吳越之間謂荆為秦楚以子楚改為陽羨其地在荆漢之北故曰陽羨據此則荆溪本楚溪也

〔物類〕〔種〕荆本名楚儀禮士喪禮楚燭置于燎學記夏楚二物鄭注並云楚荆也羅願爾雅翼楚者楚地所出一名荆

秦諱單呼荆吕氏春秋慎行篇葆申謂荆平王罪當笞乃

束細荆

說苑正諫篇作箭誤

五十跪而加之背史蘭相如傳廉頗肉

袒負荆索隱云荆楚也今人猶言楚撻楚痛廣雅楚荆也

二字互訓莫或知為諱者

〔器〕宋敏求長安志瓦作楚字者秦瓦也秦作六國宮室用

其國號以別之廣業案此必是漢元宋未知諱誤言秦耳  
太上皇始此 太上說已見前案史注以為極尊之稱  
范甯論語解太者善大之稱傳曰太上有立德記曰太  
上貴德尉繚子太上神化始皇亦曰太上有號無諡則  
又高遠之稱也皇有君美大中光敷義秦以前無生稱  
皇者孔穎達曰帝號同天名所莫加優而稱皇者言大  
於帝也後代措廟立主尊之曰皇生者莫敢稱焉而書  
頌命前曰王後曰皇后是登遐之日即當稱皇呂刑之  
雅周頌之皇王儀禮載秦除諡法廟號着太着皇殆以  
記之皇祖皇考皆此義此歟自後乃專以生為天子父者當之其踐阼之主有

別稱帝無別稱皇

如漢高帝文帝之類然秦始皇而宗無稱始帝者則此制斷始自漢

尚君親褒明功懿乃有皇號終無帝名

魏臨淮王或諫莊帝追尊兄彭

城王為孝宣帝表見北史宗室傳

故王肅以為皇其差輕者非古制本

然也生稱太上皇者蔡邕曰非天子故不言帝王肅曰

土無二王故但稱皇顏師古曰天子之父故號曰皇不

預治國故不言帝諸說畧同獨裴松之貴而无位高而

无民之言為諦當焉

天子亦可稱太上漢書薄昭書曰欲以親戚之意望於太上如漢曰

也天子太上皇仍書莊襄王者不予秦之去謚也

二世皇帝諱胡亥

始皇第十八子為趙高所弑塋杜南宜春苑中

本紀始皇三十二年燕人盧生奏錄圖書曰亡秦者胡也

始皇乃使將軍蒙恬發兵三十萬人北擊胡鄭氏云胡胡亥二世名也秦不知為人名反脩北胡

三輔黃圖望夷宮北臨涇水以望北夷因為宮名張晏史

注亦云作之以望北夷蓋諱胡稱夷也卿瑯臺石刻署名

有列侯建成侯趙亥李斯書亥字旁人字似丁字形二世三

年有八月己亥諱法不可考蓋齊宮見裁後削之趙高以

世李斯獄中上二世書北逐胡貉又曰夷齊楚逐客書亦

不避楚字蓋後人改定

案始皇除諡法欲自一二世至萬世與王莽推三萬六

千歲之歷謂身當盡此度同為至愚也

志哉

西楚霸王項氏諱籍字羽亦字子羽

史序傳項梁業之子羽接之索隱以為字子羽

廣業案古人名字都有連子字者蓋對君父之辭如子莖穀  
楚子異人之類實非兩字也後世則有以子為行者矣  
城水豐注城西南又有項羽冢非也

本紀以字題篇自項梁使項羽別攻襄城後皆字而不名

高紀亦祇稱項羽循吏傳鄭當時字莊陳人其先鄭君注失

名故稱君新唐書宰相表名榮嘗為項籍將籍死已而屬漢高祖令諸故

項籍臣名籍鄭君獨不奉詔詔盡拜名籍者為大夫而逐

鄭君廣業案名籍者以名呼之不奉詔則仍王之也始皇

紀子嬰為秦王四十六日楚將沛公破秦軍時義帝尚存

沛公固是楚將所謂亡秦必楚也而首立楚者項氏分天

下王諸侯實出於羽則五年主命高祖不既奉其正朔而

臣之乎鴻門之謝沛公名籍之令大夫之拜豈惟不豁達

大度而已是教人不忠也宋昱騎覽察雜記曰此張平子

謂光武先為更始部將然後即真當以更始之號建于光

武之初今史以楚年已著在月表表於秦楚趙齊燕魏韓

繫楚下漢列趙齊下立名故項紀繫以漢年劉知幾史通

謬加譏切於更始病其無傳於項羽則謂當抑置羣盜安

得諱其名字呼之曰王實所不解漢書藝文志形勢家項

王一篇有注梁書蕭琛傳吳興郡有項羽廟土人名為憤

名籍

王子嬰

二世兄子

降漢後為楚所殺

子嬰立四十六日而真人已翔霸上豈復能墜既決之河  
全已爛之魚哉班固言其僞死生之義欲同于春秋之不  
名紀季所以予之者至矣諸史皆曰王子嬰獨陶公宏年  
紀稱殤帝子嬰見釋道宣廣宏明集為得之

案秦法苛峻刮語燒書觸諱之罪史雖無明文然公子  
將閭之死也語使者曰受命應對吾未嘗敢失辭也何  
謂不臣則知語言之失皆在不赦之科矣故賈誼曰秦  
俗多忌諱之禁

楚



楚 芊姓鬻熊之後自懷王槐朝秦不反歷四世至負芻為  
秦所滅楚大將項燕子武信君梁起兵求得懷王孫心民間  
從祖謚立為懷王二世末諸侯共尊為義帝都江南彬梁兄  
子籍弑之自立國號楚

義帝諱心堊長沙彬縣

水經注桂陽郡彬縣南冢內有石虎因呼為白虎郡

陸賈作楚漢春秋項羽高帝俱有本紀因之論者謂踞高  
位者非闕有德又謂帝王之起必有驅除亦思中原角逐  
實未知鹿死誰手乎惟是天下共立漢祖發喪者義帝也  
誠為義帝作紀而以項氏繫之則名實兩得勿可易矣然  
漢王數羽十罪先負約而弑義帝居末則發喪亦豈其本

王則其王號越東漢迄六朝猶未革矣

通志氏族畧席氏本籍氏晉大夫籍談之後談十三世孫

避項羽諱改為席漢初徙關中豪傑席氏於安定臨涇彭

大翼山堂肆考晉籍偃後十三代孫環避項諱改廣業案

談之先孫伯鯨司晉之典籍故為籍氏潛夫論至秦末始

有席環一作環通鑑光武紀席封注引姓譜陳紀席毗注引

姓苑皆云其先姓籍避項羽諱改廣韻注晉有席坦亦然

釋編引林駟氏族譜亦云楚人以項籍之故易籍為席其

不改者史佞幸傳高帝時籍孺孝惠時有閔孺二孺每連稱漢書朱建傳作閔籍孺

誤脫孺字小類不遊俠傳籍少公季布灌夫傳籍福曰佞

知反以為贅籍字

曰侯宜與鄭君志趣異矣 項氏諱別無可考近有周桀  
者作廿二史諱畧疎漏不待言每多臆造序項氏云改籍  
為談或改與改籍姓為席以聲相近也改談絕無理此必  
因籍談司典之後妄為說耳貽誤非小附辨之

案司馬氏既作羽本紀又繫於始皇紀末曰項羽為西  
楚霸王主命分天下王諸侯秦竟滅矣後五年天下定  
於漢月表曰義帝元年西楚伯項王一本作主伯項籍始為天

下主命立十八王其序曰項氏撥亂誅暴平定海內卒

踐帝阼成於漢家

黃秉石曰羽革皇帝號依古稱王又加伯王實即帝也史通乃謂號止霸

王是諸侯耳

稱紀為華謬 楊子法言曰嬴政二十六載天下擅秦秦

十五載而楚楚五載而漢五十載之際天下三擅是明  
明以楚繼秦漢繼楚為帝王正統而不容與偏閭比例  
矣班書專紀漢事宜分主客降為列傳非得已也

武信君

霸王梁始於梁

魏惠王改國名曰梁史六國表自惠王迄王假皆仍曰魏  
而不書徙都改號事考國策惟齊策稱梁餘十九作魏疑  
史襲之然國策亦不應有是也魏自惠王六年徙都大梁  
改號曰梁見地理志竹書紀年幾百年於茲矣當孟子至梁著  
書已首梁惠王魏以畢萬封魏因邑為氏故黃歇以魏氏稱之國策或亦兼舉國氏曰梁王魏嬰  
史表安得尚從舊號哉及觀月表十八諸侯有魏首書魏

王咎始

年二世元九月

繼書魏豹自立至楚四年十二月籍死之

後即書復置梁國一月梁王彭越始此則漢五年所立也

曰復置梁則知前此之魏本皆梁也特以楚諱梁故易為

魏耳蓋項梁以季父之親創基垂統禮固當諱而列國史

俱經秦火楚有天下五年稍舉史職凡太史公之所讀魯

諸儒之所誦習凡世本國事等書率以梁為魏其例與秦

改楚為荆正同

年表序秦燒詩書諸侯史記尤甚獨有秦紀又不敢日月其文畧不具月表序大史公讀

秦楚之際然則史所據秦紀外皆楚史所輯耳而魯史因儒講誦方咸意世本國事諸書出楚世者不少史因

秦記而曰荆王荆地即因楚文而曰魏王魏地理固然也

且羽之未死漢王亦為之諱

彭越傳漢王曰彭將軍收魏地急欲立魏後今西魏王豹

本魏王啓從弟也真魏後乃拜魏為魏相國持兵略定梁地又五年籍死立越為梁王上竟稱魏漢王之辭下言梁史臣之辭故必至是始復稱梁梁復而名籍之詔踵至矣書法最密

諸家斷代為史獨司馬氏綜述古今其文有因襲舊籍者有創出已意者往往前後錯午必忝攷乃得即以楚諱言之魏世家惠王以下本不當言魏也因舊文即多曰魏中如惠三十五年孟軻至梁梁惠王曰襄九年蘇代曰子其為梁王及北見梁王又作梁此雜採諸書並存而不求畫一也羽本紀本不當言梁也而書成易代文字無拘故言景駒走死梁地田榮令彭越反梁地張良以齊梁反書遺項羽彭越數反梁地并項王自言亦曰吾十五日必誅

彭越定梁地此時實皆魏也而直改為梁史意蓋以向所謂魏乃楚之梁今所謂梁即楚之魏漢人秉筆豈復為項氏諱也乃至定陶之敗沛公項羽相與謀曰今項梁軍敗斥名而語高帝紀羽曰懷王者我家項梁所立耳直呼季父姓名良由無所避忌遂信筆失檢如此班氏改高紀項梁為武信君而羽傳終不能改要皆無害其為良史也又漢書夏侯勝傳勝令魏人周市北徇魏地師古注即梁地非河東之魏時勝立寧陵君咎為魏王咎既陳王所立又封於梁亦應稱梁王咎死豹歸楚為西魏王即河東之魏故安邑也然則核而言之其當稱魏者前惟文侯武侯

附

後惟魏豹三君耳咎以上惠以下實皆梁王也而以楚故皆  
魏之此諱先儒多未及考遂舉數世之國名而沒之無能  
舉正通鑑反改孟子之書以就史文將使盤庚終於稱商  
變父不得為晉也趙岐孟子注梁惠王魏惠王也魏國名  
地名梁國名史魏世家贊曰秦之滅梁引河溝而灌大梁是也

陳隱王勝字涉塋碭

水經注碭北安山

陳涉世家字而不名魏了翁師友雅言羅堅甫云羽本紀  
在高帝前涉世家在孔子後皆有深意遷以秦滅典籍孔  
子之道幾絕涉羽倡亡秦之謀皆有功斯道者故漢初以



字行者惟陳涉項羽劉季張子房皆滅秦而救天下於塗炭者也觀此則知班固名陳勝而降為列傳第一名項籍而降為列傳第二是以成敗論而失史遷功過不相掩之筆多矣廣業案暴秦滅學聖道陵遲陳項草創雖文教未遑而史稱涉之王也魯諸儒持孔氏禮器往歸之孔甲為之博士卒與俱死羽初封於魯其中諸儒講誦禮樂絃歌不絕羽亦自著書一篇及其亡獨魯不下則知挾書苛令除之早矣有功斯道非虛譽也

世家涉故人嘗與庸耕者扣宮門曰吾欲見涉宮門令不肯為通陳王出遮道而呼涉王召見載與俱歸入宮見殿

屋帷帳客曰夥頤涉之為王沈沈者楚人謂多為夥故天下傳之夥涉為王由陳涉始廣業案古不諱字草野倨侮更不足責然涉於此亦可謂大度豁如矣

史儒林傳載孔甲為涉博士甲名鮒孔子八世孫也著小爾雅避王諱無勝字涉字孔叢子世亦言鮒撰中載與陳涉語甚多謂涉不能從皆史所無朱子謂後漢人偽託觀刑論云其刑重而不勝問軍禮篇云陳王曰勝敗之變直書王諱至執節篇聞諸孫卿乃避漢宣帝諱其非子魚手筆益明

經史避名彙考卷六

海寧周廣業耕厓

帝王三 漢 附呂后

漢

漢 劉氏帝堯之後有劉累者生而文在其手遂為姓名數  
傳至清徙沛生豐公仁仁生太公太公生高祖受秦降滅楚  
為皇帝都長安國號漢

太祖亦曰高祖高皇帝諱邦字季水經注亦曰長山秦名陵

通曰山陵三輔黃圖在渭水北元和志在陵墓東北成陽縣志景祐元成哀平諸帝同

石義本紀高帝字季索隱曰漢書名邦字季索此荀氏書也班書

但云此單云季可疑案高祖長兄名伯次名仲則季亦名  
字季也故項岱曰小字季即位易名邦後因諱邦不諱季所以  
季布猶稱姓廣業案季本行第即用為字故本紀蕭何曰  
劉季固多大言少成事呂后曰季所居上常有雲氣皆不  
避後即位九年高祖壽太上皇曰今某之業所就孰與仲  
多此某字係帝名故史諱之漢書主莽傳梓潼人哀章作  
銅金匱為兩檢其一署曰赤帝行璽某傳予黃帝金策某  
者高皇帝名也例正如此宋書符瑞志亦云字禾子天下  
服

令式荀悅漢紀曰諱邦之字曰國顏師古云邦之字曰國

者臣下所避以相代也

注見漢書

廣業案此諱訓也顏氏家

訓云凡避諱者須得其同訓以代換之邦國及下下盈滿恒

常啟開等字皆義訓相同用以相代既不斥尊而仍不乖

本字之義其法昉於周世齊桓名白代以皓魯定名宋代

以商是也秦漢相因著為典式所云邦之字曰國者乃當

日令文

觀宣帝詔自見且兩漢帝諱並同必是定式但上穆與否無考耳

頒示臣民使知

諱某字曰某而之其訓釋之辭也文言之則即爾雅鬼之

為言歸也鄉飲酒義夏之為言假也冬之為言中也

郊特

牲枋之為言倮也斲之為言敬也尚書大傳著之為言者

也漢文每有此後人誤讀強解洪邁容齋三筆周密癸辛

雜識並訓之為變謂如之卦之之韻會引潁川語小曰介  
之推燭之武之字是語助此之字非語助又引示兒編之  
謂邦變為國如左傳遇觀之否為觀變為否也今以盈之  
恒之為名滿常為字尤非此蓋因時人誤為名字故出創  
解矯之耳亦非正也考此誤宋以前無之自王欽若冊府  
元龜始序帝王名諱云漢高帝諱邦字季邦之字曰國臣  
下所避以相代也此以注文入正文已誤其下惠帝諱盈  
之字曰滿文帝諱恒之字曰常景帝諱啟之字曰開至昌  
邑王賀注云臣欽若等曰史氏不載其諱字其下宣帝諱  
詢之字曰謀以及東漢並然欽若側佞之徒宜其墻面胡

氏注通鑑於高帝不引荀紀直云諱邦曰國而惠文諸帝  
悉同冊府焦竑筆乘譏其以盈之恒之啟之徽之為名以  
曰滿曰常曰開曰通為字狗苟悅之文而失其義非苛論  
也至通志漢年譜及帝紀尤可恠惠文以下刪曰字作諱  
盈之字滿諱恒之字常其兩名者則昭帝諱弗陵一曰諱  
弗之字不宣帝初名病已更名詢之字謀平帝諱箕子後  
更名衍之字樂東漢明章桓三帝并刪之字作諱莊字嚴  
諱烜字著諱志字意順冲質三帝又留曰字作諱保字曰  
守諱炳字曰明諱宏字曰大高帝光武更不言國與茂蓋  
初不知為代換之字則季與文叔之外忽復著此必以為

贅而去之也此皆抄自兔園冊子故舛謬至此乃其書則  
已杜馬鼎峙矣又紹興初欽宗諱議云漢法邦之字曰國  
盈之字曰滿止是讀其音曰國曰滿其本字未嘗改易以  
史記邦國畿服二語為據詳不知此襲國語成文何足取  
證詳後而讀音之說尤屬不根遍檢字書無此讀也夫命名  
制字所繫甚重史文明白尚爾傳說滋異遑問其他況宋  
世最嚴避諱宜於舊典加詳而乖誤反致百出豈非彌文  
愈甚古制愈湮乎

杜佑通典王肅已遷主諱議云周禮詩書臨文廟中不諱  
謂不諱見在之廟非謂已毀者案漢氏不名諱常曰臣妾



不得以為名字其言事不諱蓋取此也廣業案此言遷毀之廟諱也其親盡而廟不祧者亦如之漢高帝廟不祧其餘自成帝後毀復不常見漢書韋元成等傳而祧諱之法史無明文惟肅此議可據所謂不名諱者祖宗親盡之諱但不許臣妾取作名字此外雖言事亦不諱詩書臨文初不待言并前此所諱亦止上書言事餘皆不諱可知矣考驗羣書肅言洵可發凡也

案右二條皆漢家令式依前條則知凡作國者避諱也依後條則知凡作邦者不名諱也率是以考諸帝瞭然矣乃前條炳在史書而漁仲身之已未能徹其義後條

則絕無憶及者衆論紛紜沿末失本是考動多糾正非得已也

不事

字名

史孔子弟子傳鄭國字子徒正義云家語薛邦字

從

今作

史作國者避高祖諱鄭乃薛字之訛廣業案洪适

隸釋中部碑題名有里祭酒楊邦以廟諱為名必非漢碑也

或

弟子傳邦異字子斂索隱云文翁圖作國選亦避漢諱

改之劉氏作邦

音

異廣業案漢不諱邦文翁石室圖作國

異知異本姓邦史諱加一畫作邦後人誤從圭耳

詳後

籍

古書多邦字史記援引皆改為國可考者尚書合和萬

國紀堯協和萬國

功臣表序

成賦中國亮采有國紀夏我友國家君

有國有土

紀周

論語善人治國百年

文帝贊

雖蠻貊之國行也

在國必聞國有道穀國無道穀

傳弟子

類難殫舉嘗論尚書

夏以前無稱國者商周始間有之以其文又古今聚訟姑未

深考論語僅九國字與邦錯見

待史章

又率經漢儒引用

道千乘之國見繁露竹林篇及王嘉上封事能以禮讓為

國乎何有見劉向戰國策序匡衡上政治得失顯千乘之

國可使治賦見史弟子傳有國有見家者見桓寬頗疑其始

尚有作邦者或齊魯刪改之際孔文行謂臣祖安國得壁中

刑齊論問王知道二篇以授經師名家所授受偶從諱避成帝與鄭寬中說于金華殿中

正未可知如尚書用勸相我國家許慎說文引之自作用

勸相我邦家也他如國語引盤庚國之戒則惟汝衆國之

不滅則余一人有逸罰

又凡我造國今書作邦

左傳引周詩王此大

國

左傳初不立學官邦皆作國引周書戴記緇衣引詩萬大國畏其力小國懷其德今書作邦

戴記緇衣引詩萬

國作孚皆漢儒所改學庸亦出小戴中庸舉廢國家語哀

公問政篇尚作舉廢邦大學及孟子俱惟兩引詩作邦而

已內經托為黃帝岐伯之言而靈樞經師傳篇岐伯曰入

國問治入家問諱外揣篇岐伯曰治國亦然黃帝曰余願

聞鍼道非國事也諱始於周國又漢諱方正學以為出秦

漢人亦是也或疑稱名通變自六國時已然然汲冢書穆

天子傳固稱邦竹書梁襄王時史也亦云徙邦于大梁遠

周書惟序稱庶邦厥邦為邦又商誓解邦字三見餘皆作

國知是劉所校非汲冢本也詛楚文

王順伯曰在秦兩邦惠文十二年

宕

古若查字古壹

唯是秦邦之羸

規古苑

始皇紀會稽刻石文

率衆自彊正義云今會稽山碑文作率衆邦彊古文苑載

二世嶧山刻石文亦有追念亂世分土建邦之語而魏志

東夷傳辰韓自言秦世亡人避後果此其言語名國為邦

弓為弧行酒為行觴有似秦人弁韓亦然

陳書新羅國本辰韓又名秦韓

言語名物大似中國名邦為國

徐鉉說文繫傳引張華博物志亦云東夷

有國謂國為邦秦之遺也可見秦時猶號為邦至漢初始

諱而不言耳必謂思孟諸賢絕口不復道邦字非其情也

且邦國本無異義古書有互用無連用如易師上交言開  
國承家象言必亂邦詩崧高上言南國是式下言登是南  
邦乃行文錯綜之法至周禮始連用邦國開章已七八見  
鄭為注云大曰邦小曰國虞書萬邦不得為大我國雖為  
十二合為六七不得為小長發  
詩大國正義意不然之因云據本文上邦下國故為此解  
儀禮覲禮同姓大國異姓小邦則邦國通稱也且如國風  
鄘云邦之媛兮控於大邦衛云邦之桀兮鄭云邦之司直  
邦之彥兮曹魏以下乃皆云國是通稱之中兼有方言不  
不同論語既多稱邦何以孔子之言散見孝經戴記家語莊  
列董楊說苑等書者皆不及邦字此非由傳托即出唯黃

甚明特以義訓相同改換甚易讀者亦不覺耳漢書多襲

史記其自製者孝惠以下或諱或否地理志恒衛既從劉向傳夜常星不見之

類惠帝邦之為國則宣帝地節元年詔堯親九族以和萬

國地理志二百里男國王嘉哀帝時上封事無教侯欲有

國之類通鑑靈帝紀蔡邕答詔曰邕不敢懷道迷國注云

引論語迷邦之言不曰邦者避高帝諱此與韓詩外傳懷

其實而迷其國正同邕熹平中寫石經其殘碑論語國君

為兩君之好何必去父母之國尚書盤庚安定厥國釋荀

爽陸續易注蹇象傳俱作以正國也釋文云漢諱又見何指詩本義潛夫

論引孔子國有道貧且賤焉六句政本論衡引國有道不廢

二句孔問風俗通引詩萬國作孚王徐幹中論引書嘉靖殷

國天蓋東漢之末猶謹避之如此至魏晉時益遠而楊阜

疏引協和萬國魏志潘尼舉孔子一言喪國尚沿漢諱野客

乃若金海陵御試賦題天賜勇智正萬邦以避漢高祖諱

改作萬國元好問中州集鄭子聯字景純正隆二年再試

改萬國蓋以此雖無與尊親亦可見其流澤之長矣邦有

改為域者大戴朝事篇以同域國之禮蓋下連國字不可

重言故變例改域有改封者鄭康成注論語謀動干戈於

封內文釋是皆僅見又有用其字變其體者蓋於臨文不諱

之中參用秦法也如隸釋所載國三老袁氏碑被澤苑歲





則以七世之廟為斷高帝至成帝九世元世光武以元帝為  
稱亦為九世廟雖不祧親盡久矣方元帝時匡衡貢禹  
已議毀惠景之廟則成與哀平之際高帝正為不名諱  
也不名之諱謹避不失為恭直書不得為悖故劉向說  
苑新序皆成帝時奏上之書也新序刺奢篇香居謂齊  
宣王曰荆邦為有主乎荆邦為有臣乎又趙襄子曰我  
誠邦士也又宋邦之求鞅者皆仍呂氏舊文又述鄒繆  
公事云此之謂知富邦賈誼新書載之刪此句以文帝  
時正當諱也楚辭王褒九懷覽舊邦兮滄鬱劉向九嘆  
心愁愁而思舊邦余思舊邦歸骸舊邦哀故邦之逢殃

念予邦之橫陷分乃與屈宋同調褚少孫元成間博士  
補史記龜策傳今寡人之邦邦家安寧邦福重寶律書  
兼列邦士京房易傳比卦邦必昌矣其不避盈啟等字  
無論也至東漢更寬矣後漢書明帝即位詔蜀志馬超  
等上言漢帝並云統理萬邦班固典引日月邦畿詔表  
且然况在士庶齊東野語事文類聚皆舉漢書刑法志  
建三典以刑邦國等語以為何以不避諱釋以樊毅碑  
命守斯邦劉熊碑來臻我邦為未嘗諱豈知高帝之諱  
西漢早弛其禁乎故考諱者必以己未祧遷為準然此  
亦論其大法其間亦有應諱而不諱者其故有四一曰

體製攸闕史以傳信諱以尊君竊取春秋宜權輕重如  
鄭國微子開皆在臣位可改夏紀帝啟不可改詳重古  
帝也漢書劉歆更名秀不可削誅奸臣也史秦紀以立  
恒常改之則為常常非體亦不可改一曰刊落不盡採  
獵羣書浩不及檢如史記於國語邦內甸服邦外侯服  
魯論在邦必聞直襲原文即其自製高柴傳長不盈三  
尺吕后紀恒山王亦有踈畧漢書則賈誼傳聞其秀材  
藝文志莊安顏師古所謂史駁文也又新書耳痺篇伍  
子胥提邦以伐楚漢文朴茂固不若六朝文士諱避精  
詳况一人之精文重思煩班叔皮亦病之乎然畢竟避

者十九犯者十一劉晝新論謂論事皆取其多者以為  
節今摘一二語為左證以概量全書是探華陽之溫泉  
便忘水冷附蕭邱之寒燄不言火熱也可乎一日校寫  
訛易史封禪書常山王有罪遷以常山為郡然後五岳  
皆在天子之邦漢郊祀志作郡蒙上常山而言當為郡  
韓詩外傳齊桓公見表邱邦人新序作邑表邱非邦詳  
水經注此傳寫之訛高帝時陸賈奏新語十二篇每篇  
稱善而其文有懷來萬邦道基以畜萬邦之類術事篇  
至輔政篇直云邦危民亡時雖繇蒞未定無所忌諱賈  
既時稱說詩書豈與椎理屠狗輩同其倨侮乎董仲

舒天人對策亦不應言春秋書邦家之過此必俗儒強  
解事者所改一日假托前人如韋孟孟為楚王戊傳當惠  
文時漢書載其諷諫等詩連用邦字其下即言或曰其  
子孫好事述先人之志而作則固非出孟手矣班氏好  
取詩賦入傳如此詩明知偽托而仍錄之致滋後人之  
惑葉大慶考古質疑祝穆事文類聚並云漢懲秦苛禁  
凡事簡易避諱亦不若後世之悉顧起元說畧以為犯  
諱不嫌皆非也觀傳後又載孟六世孫元成詩尚避稱  
國元成薨於元帝建始三年即知孟無犯邦之理此必哀平間其子  
孫於高帝諱已習於不名故不憚疊用如此毛詩古音

考云邦音崩諷諫詩王報聽諧實絕我邦與同字叶可  
證因言韋以不同音故不諱也案說文邑部羗從邑丰  
聲則當為卜工切而徐鉉乃云博江反顧炎武音學五  
書唐韻正邦字入一東注云博江切古音博工反歷引  
虞書易詩以及唐詩文証之易寒象漸象師小象並邦與功為韻離小象邦與公  
韻詩節南山與仙韻瞻彼洛矣與同韻采芣與蓬韻思齊與公韻皇矣與旦與恭韻蕩與訏韻崧高閟宮與功韻左思魏都賦與終韻木華海賦與峰韻江淹麗色賦與龍韻成公綏天地賦與同韻此類極多升菴  
然則韋孟諷諫詩與同為韻在鄒詩與恭為韻正是本  
音何不同之有盖博江一切出於孫愐其始或因工悞  
加水耳自徐氏仍用之而邑丰之音遂亡吳才老於毛

詩諸邦字反以爲叶升菴又以爲轉音樸蒙切陳第音  
崩又爲悲切切雖因犯諱爲之曲解而其失彌遠矣焦  
贛事梁敬王定國當是昭宣時人王俞以爲元成間人  
所傳易林害我邦國入我邦郭凡數十見盈恒啟微觸  
目皆是并謂劉季發怒命滅子嬰又大蛇當路使季畏  
懼直斥高廟之字鄭端簡顧亭林皆斷爲僞托是也案  
後漢書崔篆王莽時人著周易林六十四篇許峻亦有  
易林李西續博物志篆隸  
之祖或曰卦林象林意後人取崔許之書繫以  
延壽也凡此數條累朝皆有以斯類推思過半矣

地理說文邦國也劉熙釋名邦封也封有功於是也說文



繫傳古謂封諸侯為邦尚書乃命諸王邦之蔡漢諱邦故  
兩漢無稱廣葉案越絕書吳越晉楚皆曰邦中避秦諱附  
漢武二十八年以前事據論衡稱吳君高越紐而本書後序言子  
胥述吳越事類至史始初袁康吳平踵為之知其錄自舊史合  
諸三韓言語知漢以前封國稱邦也山海經海外大荒諸  
經所載結胥羽民謹頭等皆稱國朱子直以為漢初人書  
否亦劉秀等竄改而七國之後變為郡國稱本朝曰國家  
著述家號左氏外傳為國語史記定蒯徹短長為國策繼之  
者三國志華陽國志十六國春秋三十國春秋十國紀年  
之類更無以邦名者矣 尚書康誥正義古字邦封同故

漢有上邦下邦縣邦字如封字廣業案漢不應以邦為縣  
名渭南上邦下邦字不作邦恐封為正也

案國之置史尤重廟諱故王制太史奉諱惡周禮小史  
詔王忌諱而賈誼書傳職篇亦曰不知先王之諱者太  
史之任也其記言記動避諱較他書更謹故是考先詳  
史事而次及旁書然惟子長紀本朝之事餘皆成於易  
代則又避其所避難盡取證矣至觸諱犯罪遍考史傳  
雜說未聞斷斯獄者即如江都著書間用邦字而其所  
言災異政治得失主父偃誣奏之武帝因下吏謂之下  
愚當死初不云犯諱也蓋第設此科條以懲不敬未必

毛舉其小失也

案此班諱立訓之始

太上皇

高帝尊上

諱煇一云諱煇字執嘉堊萬年陵

元初志京兆懷陽縣

帝王世紀及宋書皆名執嘉索隱曰王符云太上皇名煇與煇同音正義曰春秋握成圖劉媪夢赤烏如龍戲已生執嘉後漢書注名煇音它官反一名執嘉野客叢書云唐宰相表名煇字執嘉正字通引皇甫謐曰舊名煇王世貞曰名煇馬永卿名煇並謠廣業案呂台子名嘉不應犯諱則以執嘉為字者是費袞梁谿漫志反譏唐表為誤也煇煇字書俱不經用惟郭憲洞冥記載東方朔告武帝曰

遊臣入雲端之幕楊子方言煇赫貌也魏劉燭謂漢氏追  
證之禮不及其祖故諱法無聞

案匹夫有天下漢祖之後尚有明高皇帝皇帝之父尊  
養兼至者瞽瞍後一人而已

孝惠皇帝諱盈塋安陵

今式荀悅漢紀諱盈之字曰滿滿顏師古曰臣下以滿字代

盈者則知帝諱盈也他皆類此

人事

名

史晉世家樂逞

書之

即樂盈也國諱故舉其字齊

世家作樂盈徐廣曰史記多作逞明此筆誤集韻云逞與  
盈同非曾鞏南豐集跋梁普通三年道士張繹所建茅君

碑尾云三茅盈太元真君固定錄真君表保命仙君皆漢  
景帝中元間人盈天漢四年道成固表皆仕漢而茅盈內  
傳云并置何敢犯諱乃爾知其偽也野客叢書亦云以廟諱為名不  
可曉廣紫案史秦紀集解引茅盈內紀云始皇三十一年  
九月盈曾祖父蒙於華山白日升天先是其邑謠曰繼世  
而往在我盈帝若學之臘嘉平始皇閭之始有求仙之志  
因改臘曰嘉平御覽引之在我盈作在我羸然則字本作  
羸始皇自以國姓當之故改名應謠謂神仙可致耳然御  
覽又引神仙傳盈字叔申漢元帝時渡江治句容則是竟  
以廟諱為名矣蓋其始海上迂怪之士造為此謠太元遂

取以命名方外之書不足深究也

氏滿氏廣韻通志氏族畧王應麟姓氏急就篇並引風俗通云蠻荆有瞞氏音舛變為滿氏一云陳胡公滿之後廣業案應說非也滿氏本盈氏亦作羸史趙世家趙興秦皆伯翳之後賜姓羸而左傳哀九年晉趙鞅卜救鄭遇水適火史墨曰盈水名也子水位也杜預注趙鞅姓盈宋姓子又左傳齊桓公夫人有徐羸漢地理志臨淮郡徐縣自注故國盈姓羅泌路史羸之後有盈氏鄧氏羅草注姓苑又有鄧蓋盈滿古字通用故史天官書歲星羸縮詳書蔡澤傳進退盈縮漢律歷志羸盈錯出晉志皆作盈漢諱盈改

姓滿漢哀帝時唐事滿昌魏滿寵晉滿奮其裔也竊同盈

或加筆作鄧劉然皆不著氏族畧謂盈氏晉樂盈後謬矣

羅史魏世家引左傳卜偃曰萬滿數也越世家引國語范

蠡曰持滿者與天越絕尚作盈管子孝經滿而不溢呂氏春秋引同

國語越絕皆云天道盈而不溢此書文景時置博士且令衛士通習故也

管子言室滿室言堂滿堂牧視歲之滿虛四生滿人

滿武滿霸關尹子借能虛則實滿之五呂氏春秋孔墨弟

子充滿天下似容貌充滿黃石公素書澤滿者溢禮安乾鑿

度水滿而圓之類皆因校錄而改韓詩外傳孔子觀敏器

曰滿則覆淮南道應訓作盈荀此與史記皆因採用而改

子家語說苑並作滿

者也又黃帝素問不知持滿上支月滿無補八正神明經虛

絡滿絡滿經虛靈樞經胃滿則腸虛腸滿則胃虛人

此類極多方正學謂內經出戰國秦漢人是也日

知錄云漢祧廟之制不傳竊意亦如唐制故孝惠諱盈而

說苑敬慎篇引易天道虧盈而益謙四句盈皆作滿在七

世之內故也漢律歷志盈元盈統之類卷中四十餘見何

休公羊注言孫於齊者盈諱文已祧故也若李陵詩獨有

盈觴酒與子結綢繆索洪邁容齊隨筆云陵不應枚乘柳

賦盈玉縹之清酒載古文苑紫明刻作縹盈縹玉之酒章

亦然顧蓋仍又新詩盈盈一水間載玉臺二人皆在武昭

隨筆之誤



之世而不避諱可知為後人擬作非出西京矣

案壁客書據此增

時蓋不諱又云或出通鑑

廣業案惠帝園廟元帝時韋元成議與太上

皇同毀其繼祖以下五世迭毀後

後

雖卒後而親盡于元甚

明自後不名之諱避固不禁犯亦無罪故說苑引燕象虧

盈四句改滿下引豐彖直作天地盈虛補史記龜策傳因

倉不盈樂書樂主其盈樂盈而反楊雄著書最多其法言

學行篇滿而後漸者其水乎寡見篇先王之道滿門太元

本字避改下同

經少次六曰少持滿盛後傾從次五曰從水之坎

滿穀初一日懷威滿虛次三曰戴威滿頭仍避盈字元攤

其道游冥而抱盈斗一北而萬物虛斗一南而萬物盈又

太元賦豐盈禍所棲河東賦既發輟於平盈解嘲觀雷觀  
火為盈為實司空箴都鄙盈區又不作滿字至劇秦美新  
既云盈塞天淵之間又云焉壞微而不全方言則諸帝諱  
皆不避此仕莽時所定尤不足據彼以少作自悔人言老  
不解事均不在諱否也洪邁謂方言非雄作以答劉歆他書有嚴君平也亦未確詳後漢他  
若河間獻王樂記不避盈字繁露楚莊王篇亦言樂者盈  
於內而動發於外恐述先秦古文非由自鄭目錄云樂准記獻王作  
南子原道訓冲而徐盈終日而不盈羅新書銅布篇以調  
盈虛意皆刊落不盡者也東漢本不復諱而永元間張霸  
謂掾吏曰日中則昃月滿則虧後書靈帝時蔡邕答詔曰天

道虧滿鬼神福謙通注皆謂引易作滿者避惠帝諱又有  
變其體者隸釋載桓靈間州輔碑在罷弗盈桓永壽二成陽靈  
臺碑歷紀盈千字五建孫叔教碑陰克儉損盈三素皆闕筆  
惟白石神君碑朝野充盈和六不闕筆洪氏謂非漢字也  
漢隸字源盈字有盈盈盈盈盈數體明刻方言亦闕首筆  
作盈此例亦起西漢古文苑又載嚴夫子哀時命舉世以  
為恒俗兮固將愁苦而終窮幽獨轉而不寐兮惟煩憑以  
盈句鄒陽酒賦方金未啓又綠瓷既啓兼犯惠文景諱鄒  
與枚乘柳賦俱奉梁孝王命作載西京雜記疑皆用減筆  
法也楹字亦諱說文或从呈作程字書或作櫟亦變體也

樂商頌置我鼗鼓傳夏后氏足鼓殷人置鼓周人鼗鼓鄭玄置

讀曰植植執皮者為植黃而樹之廣業崇明堂但殷植鼓漢儒避為

置若植之選薛綜西京賦注植柱也廣雅作植鼓西京雜記劉歆校

天文續漢書律曆志滿章滿部等滿字累幅班志惟望滿虧未

改餘如盈元盈統之類皆改之天然二十四氣之不滿建除家之滿日至今仍

之這周書周月時刻二解亦作不滿

地理室古文苑楊雄元后誄起常盈倉五十萬斛為諸生

儲以勸學章樵注王莽傳作常滿倉蓋元始中猶避惠帝

諱至此方稱常盈是平帝時諱尚未祧至莽篡始不諱也

廣業案不名諱既不可名臣妾豈可以名倉庫常滿倉平

帝紀莽傳並同雄請莽故改常盈觀諫中漢廟黜廢移安  
定公之言則知之矣楊街之洛陽伽藍記載莊嚴寺東有  
中朝時常滿倉高祖令為祖塲此中朝謂晉夫晉尚名常  
滿漢安得有常盈哉 楹字皆以柱代之史孔子世家夏  
人殯於東階殷人兩柱間昨暮子夢坐奠兩柱之間家語  
禮子  
作齊世家莊公擁柱而歌左襄二十  
五年作拊楹張衡冢賦用詩有  
覺其柱古文苑  
說作村國策荆軻傳秦王環柱而走史燕丹子軻  
倚柱而笑柱係秦孝文王名始皇時無此稱必漢儒追號  
為柱也他若逸周書文傳解栝柱茅茨蘭相如持璧睨柱  
策文漢羣臣爭功拔劍擊柱  
史叔孫  
通傳漢書劉輔曰腐木不

可以為柱紀成柏梁臺詩柱枅構榑相枝撐地志三輔黃圖周

蒿宮以蒿為柱漢未央宮文杏為梁柱靈波殿柱為柱無

不呼為柱者而榑之名亡矣案柱之為字左木右主語見

張元靖傳有特立之義不周山崑崙山俱名天柱楚相名柱國

由此而謂不相順從為枝柱地見漢榑字從盈有對列之據

見說文詩稱旅榑記言桓榑鄭注四柱謂之榑諸侯四鐻

繫傳義以此也爾雅釋宮無柱字廣雅則云榑謂之柱說文亦

以柱釋榑蓋漢因避諱訓故相沿其實二字有別也師

友雅言曰今之華表即古桓力寺碑改華榑又避諱

改華表注如漢宣帝之類廣業案摺玉別雅引字林

西京雜記

後漢書一行  
頂極字

集四國同字之姑

曰今之華表即古柱檣初避時諱改華檣後又避國諱華  
表注如漢宣帝之類廣業吳王別雅引字林云檣華  
字相混漢檣諱新論晉中經簿作華檣非因避諱博物志  
載燕昭王墓華表起意帝與否不能稔知以為宣帝尤非

西京雜記劉歆作長安巧工丁緩為常滿燈九龍五鳳

襍以芙蓉蓮藕之奇

案此避偏旁字之始

廢帝諱無為呂后幽死

帝為孝惠張后所名子雖生自後宮故嫡嗣也呂后紀書太子即位為帝謁高廟改元繼統在位四年當時必有避其名者史失之案鄧名世古今姓氏書辨證云釐本僖氏漢時避諱改為釐史記凡僖皆作釐是也後秦有城門校尉釐豔焦氏筆乘論漢諱亦言僖王曰釐王考漢時無名僖者而史記於本朝之帝例不書名故諸後宮子如子強子不疑子朝子武皆名子山呂氏所立亦名惟廢帝以皇儲即阼特從不名之例後人遂無知者據鄧氏僖皆改釐廢帝或可當之然不敢臆斷也

少帝驪宏

本字避改後同

本名山更名義後改今名呂氏誅後并殺



之

紀少帝  
即廢  
元年

呂后紀少帝即廢元年封襄城侯二年立為常山王更名義蓋以名與郡同故改避之四年五月后廢少帝立王為帝改今名索隱曰改名宏農漢書唯云名宏史省文然史記亦止云宏侯者表襄城下但云侯義元年不言原名山

案呂紀惠帝崩張辟彊謂丞相曰帝毋壯子不言無子而廢帝以太子即位此固真孝惠子矣其後諸大臣謂帝及諸王皆非真孝惠子代王之入因盡誅之漢書載燕刺王旦曰前高后偽立子宏為帝諸侯交手事之八

足下可證

年太后崩大臣誅諸呂迎立文帝天下乃知非孝惠子也方二帝時政出母后權歸呂氏而少帝并不改元亦徒擁虛名耳然已奉宗廟朝諸侯者十數年一旦斥為非類誅戮殆盡不無稍過抑朱子所謂畢竟是呂氏黨不容寬宥耳

日知錄秦閭教數二世稱足下人以為相輕之詞不知是戰國時人主之稱蘇代遺燕昭王樂毅報燕惠王等書皆稱足下漢書文帝紀丞相臣平等再拜言大王足下可証廣業案史呂后紀大臣迎立代王東牟侯興居請除宮與太僕滕公入宮謂少帝曰足下非劉氏不當立又謁者衛端門曰天子在也足下何為者而入其稱與二世正同然則稱足下者皆王也文帝在代邸稱足下亦王也天子自稱陛下其足下雖非相輕之詞而降于天子則明矣

高皇后呂氏諱雉字娥姁合葬長陵

〔令式〕荀悅漢紀諱雉之字曰野鷄師古曰名雉故臣下諱雉也

史封禪書陳倉神來集於祠城則若雄雉其聲殷野鷄夜雉如淳注野鷄雉也呂后名雉故曰野雞師古漢書注野鷄避后諱上言雄雉下言野雞史駁文也又高宗有雉登鼎耳雉徐廣注雉一作鵠蓋亦以柱代楹之例漢書杜鄴詩野鷄著恠高宗深動互見后諱

案此女主班諱之始 母后臨朝專政始於秦昭王母宣太后芈氏其後華陽夫人亦頗專恣然未有稱制班諱如呂后之甚者當時諛臣酈寄謂呂后與高祖共定天

下田生謂呂氏推轂高帝就天下似繼高祖者神器應  
歸呂氏更不須左袒也夫史無孝惠紀而有高后紀易  
陰陽之位光武黜高后而以薄姬配高廟亂嫡妾之分  
皆不容於春秋之義者也今與兩少帝並著之

嘉慶丁巳又六月二日校訖